



## Aningaasaqarnermut Akileraartarnermullu Ataatsimiititaliaq

### Umiarsualivimmiinnermut aamma umiarsuarni takornarianik angallassisuni ilaasut akileraarutaat pillugit ataatsimiititaliap apequtaanut akissutit (UKA2025/18)

Brevdato: 05-11-2025  
Sagsnr. 2024 - 19166  
Akt id. 25926311

Aningaasaqarnermut Akileraartarnermullu Ataatsimiititaliaq 29. oktober 2025-mi umiarsualivimmiinnermut aamma umiarsuarni takornarianik angallassisuni ilaasut akileraarutaat pillugit Inatsisartut inatsisaata allanngortinnera pillugu Inatsisartut inatsisaat pillugu isumaliutissiisummini apeqqutit ataasiakkaat innersuussutigai, taakkulu tulluuttuni akissavakka.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

- 1) Sinerissami illoqarfinnut nunaqarfinnullu siunnersuutip aningaasaqarnikkut pitsaanngitsumik kinguneqannginnissaa Naalakkersuisunit qanoq qulakkeerneqarsinnaava?

#### Akissut:

Inatsisissatut siunnersuut sinerissami illoqarfinnut nunaqarfinnullu pitsaanngitsumik aningaasaqarnikkut kinguneqartitsinissaa Naalakkersuisut siunertarinngilaat. Inatsisissatut siunnersuut taamaallaat akileraartarnermut ingerlatsiviup nalunaarutiniq tigusisinnaaneraniq, atororissaarummullu nutaamut Talippumut toqqaannartumik akiliisinnaaneraniq piginnaatitsissummik imaqarpoq. Tassunga tunngatillugu § 12, imm. 2-mi akileraaruseriffiup nalunaaruteqartarfia pillugu najukkami umiarsualiveqarnermut oqartussat innersuussinissamut ilitseruinissamullu tunngatillugu piumasaqaatinik Naalakkersuisut aalajangersaasinnaanermut piginnaatinneqarput.

Allatut oqaatigalugu, naammassinnissinnaassuseq kingorna nakkutilliinermik ilitseruinermillu siunnerfeqarnerusumik atorneqarsinnaasoq atugassanngortinneqarpoq.

Piffinni umiarsualivinnut oqartussaasut suli pisussaaffinnik assingusunik tigusisussaananerat, taamaattoq akileraartarnermut ingerlatsiviup/umiarsualivimmi oqartussaasup pappiaqqamik immersugassiaanut innersuussillunilu ilitseruisoqartarneranut taarsiullugu, inatsisip atuutilersinneqarnerani akileraartarnermut ingerlatsiviup qarasaasiakku immersugassiaanik innersuussillunilu ilitseruisoqartarnissaa, tamatuma malitsigaa. Ilitseruineq taanna suli pissutsinik aalajangersimasunik, umiarsualivimmi oqartussaasup tikittarnernik, bruttotonnagianik eqqortunik nalunaarutiginninnissamik, ilaasunik kisitsinermik, nalinginnaasumik nakkutilliinermik assigisaanillu ilisimasaanik suli aallussiffiussaaq.

Siunnersuut taamaalluni umiarsualivimmi oqartussaasup akiliisitsinermik kingornalu akileneqartunik Akileraartarnermut Aqutsisoqarfimmut nuussisarunnaarneratigut sulinermik pisariillisaavoq. Pisariillisaanerup tamatuma umiarsualivimmi oqartussaasup pingaarnertut suliassaminik isumaginninnissaminut periarfissaqarnerulerneraniq kinguneqassaaq. Pingaarnertut suliassanut ilaapput talittunik nakkutilliinerit, tassani

umiarsuit takornarianik angallassisut kiisalu paasissutissanik Akileraartarnermut Aqutsisoqarfimmut nalunaarutigineqartunik uppersaaneq. Taamaammat inatsisissatut siunnersuutikkut immikkoortumi nakkutilliinermik suliaassat aallunneqarnissaat naliliutaavoq.

Taamaalilluni siunnersuut qitiusumut eqiterinermik ersersitsisuunngilaq.

Ataatsimiititaliamit oqaatigineqartutut Royal Arctic Line A/S aamma siunnersuummik tapersiilluni nalunaaruteqarpoq.

- 2) Akileraarutini najukkani akiliisitsiniartoqarunnaassappat siunnersuut sinerissami pissutsinut qanoq sunniuteqassava?

**Akissut:**

Aallaqqaasiullugu apeqqut 1-ip akineqarnera innersuussutigineqarpoq. Inatsisissatut siunnersuut taamaalilluni taamaallaat sinerissami pissutsinut pitsaasumik sunniuteqartutut nalileneqarpoq, piffinnimi umiarsualivinnut oqartussaasoq siunissami aningaaserisutut atuukkunnaarluni suliaassanik umiarsualivimmi atuisunut pingaarutilinnik aallussisinnaalissaaq.

- 3) Nalunaaruteqartarnermik aqqissuussaq nutaaq Talippoq atuutilereerpat suliaasaqarfimmi isertitat agguataarneqarnissaannut Naalakkersuisut qanoq pilersaaruteqarpat?

**Akissut:**

Nalunaaruteqartarnermik atortorissaarutip nutaap atuutilersinneqarneranut atatillugu kommuninut isertitanik agguaanermut pilersaarutini allannguisoqanngilaq.

Avatangiiisut iluarsartuussinernullu akiliutit sulii kommuninut annertussutsit malillugit taliffigineqartunut nakkartinneqartassapput, soorlu tamanna 2024-mi 2025-milu pereersoq.

Inussiarnersumik inuulluaqqusillunga

Med venlig hilsen



Múte B. Egede